



Broj: 03-16-8-1674-22/17  
Sarajevo, 14.5.2018.

Na osnovu čl. 69. stav (2) tač. d) i 70. st. (1), (2), (4) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na prijedlog Komisije za nabavke iz Zapisnika o pregledu i ocjeni ponuda, broj: 03-16-8-1674-21/17, od 10.5.2018. u postupku nabavke protivpožarnog sistema u server sobi Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

## ODLUKU O PONIŠTENJU POSTUPKA NABAVKE

### I.

Prihvata se prijedlog Komisije za nabavke iz Zapisnika o pregledu i ocjeni ponuda, broj: 03-16-8-1674-21/17, od 10.5.2018. i poništava se postupak nabavke protivpožarnog sistema u server sobi Parlamentarne skupštine Bosne i Hercegovine, proveden putem konkurentskog zahtjeva za dostavu ponuda, Obavještenje o nabavci, broj: 166-7-3-2-3-8/18, od 17.1.2018., Ispravka za Obavještenje o nabavci, broj: 166-7-3-2-8-11/18, od 24.1.2018. i Ispravka za Obavještenje o nabavci, broj: 166-7-3-2-8-19/18, od 28.2.2018., iz razloga člana 69. stav (2) tačka d) Zakona o javnim nabavkama, jer primljena ponuda nije prihvatljiva za Ugovorni organ.

### II.

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke protivpožarnog sistema u server sobi Parlamentarne skupštine Bosne i Hercegovine, broj: 03-16-8-1674/17, od 11.7.2017. i broj: 03-16-8-1674a/17, od 18.9.2017. Procijenjena vrijednost nabavke iznosila je 20.000,00 KM sa PDV-om. Komisija za nabavke imenovana je Odlukom Kolegija Sekretarijata, broj: 03-16-8-1039/17, od 18.4.2017. Javna nabavka provedena je putem konkurentskog zahtjeva za dostavu ponuda. Tenderska dokumentacija za nabavku protivpožarnog sistema u server sobi Parlamentarne skupštine BiH, broj: 03-16-8-1674-7/17, od 17.1.2018., Izmjene i dopune tenderske dokumentacije, broj: 03-16-8-1674-10/17, od 24.1.2018., Dopune Tenderske dokumentacije, broj: 03-16-1674-11/17, od 2.2.2018. i Izmjene Tenderske dokumentacije, broj: 03-16-8-1674-17/17, od 28.2.2018., sve objavljeno u Sistemu „E-nabavke“, kao i Obavještenje o nabavci broj: broj:166-7-3-2-3-8/18, od 17.1.2018., Ispravka za Obavještenje o nabavci, broj: 166-7-3-2-8-11/18, od 24.1.2018. i Ispravka za Obavještenje o nabavci, broj: 166-7-3-2-8-19/18, od 28.2.2018. Poziv za preuzimanje tenderske dokumentacije sa Portala javnih nabavki upućen je na adrese pet ponuđača i to:

1. Gama AA Sarajevo,
2. Unilab Security d.o.o. Sarajevo,
3. Vatosistemi d.o.o. Sarajevo,
4. DSC d.o.o. Sarajevo,
5. Sector Security Banja Luka.

Tendersku dokumentaciju s njenim izmjenama i dopunama sa Portala javnih nabavki preuzeo je ukupno 21 ponuđač. Zahtjeve za pojašnjenje tenderske dokumentacije postavili su ponuđači: Agencija za tehničku zaštitu i fizičku zaštitu Middle point electronics d.o.o., Pro team d.o.o. Sarajevo, Granulo-Re d.o.o. i Agencija za zaštitu ljudi i imovine DSC d.o.o., na koje je Komisija za nabavke dala blagovremene odgovore. Dana 2.2.2018. od ponuđača Granulo-Re d.o.o. podnesena je elektronskim putem neuredna žalba na tendersku dokumentaciju, koja je u skladu s članom 106. Zakona o javnim nabavkama prosljeđena Uredu za razmatranje žalbi na dalje postupanje. Drugostepeni organ je navedenu žalbu, Zaključkom, broj: JN2-01-07.1-75-6/18 od 22.2.2018. odbacio kao neurednu, nakon čega je postupak nabavke nastavljen.

Do termina zakazanog za predaju ponuda odnosno do 7.3.2018. do 11,00 sati blagovremeno je pristigla jedna ponuda i to:

Redni broj zaprimanja ponuda	Naziv i sjedište ponuđača
1.	Grupa ponuđača: - DSC d.o.o. Sarajevo, Ante Fijamenga broj 14b, 71 000 Sarajevo i - Institut za zaštitu, ekologiju i obrazovanje d.o.o. Tuzla, Bosne Srebrene broj 127, 75 000 Tuzla

Komisija za nabavke izvršila je javno otvaranje ponuda i evaluaciju istih, o čemu je sastavljen

Zapisnik o zaprimanju ponuda, broj: 03-16-8-1674-19/17, od 7.3.2018., Zapisnik o otvaranju ponuda od 7.3.2018. i Zapisnik o pregledu i ocjeni ponuda, broj: 03-16-8-1674-21/17, od 10.5.2018., u kojem je Komisija za nabavke konstatovala da ponuda grupe ponuđača u sastavu: DSC d.o.o. Sarajevo, Ante Fijamenga broj 14b, 71 000 Sarajevo i Institut za zaštitu, ekologiju i obrazovanje d.o.o. Tuzla, Bosne Srebrene broj 127, 75 000 Tuzla, **nije prihvatljiva za Ugovorni organ**, iz sljedećih razloga:

- Prilikom sravnivanja originalnih obrazaca iz tenderske dokumentacije i prekucanih obrazaca na kojima je ponuda dostavljena, utvrđeno je da je na prekucanim obrascima ponude mijenjan tekst tenderske dokumentacije, preciznije u dijelu Aneksa 2. Obrazac za cijenu ponude, tabela pod red. brojem 1., u drugoj stavci riječi "idejnog/glavnog projekta" zamjenjene su riječima "kompletnog projekta", te na određenim obrascima nedostaje navod broja ankese, čime je ponuđač povrijedio tačku 4.2. Tenderske dokumentacije u kojoj se navodi da ponuđač ne smije mijenjati ili nadopunjavati tekst tenderske dokumentacije.
- U ponudi nije dostavljen Obrazac izjave o podugovaranju-Aneks 8. tenderske dokumentacije, potpisan i ovjeren od strane ponuđača, iako je tačkom 4.2. Sadržaj ponude Tenderske dokumentacije u Napomeni navedeno da je ponuđač dužan dostaviti kompletnu traženu dokumentaciju iz sadržaja ponude na način kako je propisano u tenderskoj dokumentaciji.
- Dostavljeni zahtijevani Idejni projekat za protivpožarnu zaštitu server sobe sačinjen je i ovjeren je od firme DSC d.o.o. Sarajevo, koja prema dostavljenoj dokumentaciji iz ponude nije ovlaštena za izradu projekata zaštite od požara, nego je to Institut za zaštitu, ekologiju i obrazovanje d.o.o. Tuzla.
- Dostavljeno Rješenje Ministarstva unutrašnjih poslova Kantona Sarajevo, broj: UP-1-03/3-1-04-2-286/12, od 1.8.2012. da poslovne prostorije DSC d.o.o. Sarajevo ispunjavaju uslove za obavljanje poslova fizičke i tehničke zaštite ljudi i imovine ne predstavlja zahtijevano rješenje MUP KS kao odobrenje za obavljanje poslova tehničke zaštite, čime nije na način zahtijevan u tenderskoj dokumentaciji, dokazana sposobnost obavljanja profesionalne djelatnosti ponuđača za ugradnju sistema protivpožarne zaštite i

uspostavu sistema tehničke zaštite (projektovanje, ugradnja i provjera sistema tehničke zaštite).

Zapisnikom o pregledu i ocjeni ponuda je također konstatovano da Komisija nije provodila fazu vrednovanja i rangiranja prihvatljivih ponuda shodno utvrđenom kriteriju „ekonomski najpovoljnija ponuda“, iz razloga jer jedina dostavljena ponuda nije prihvatljiva za ugovorni organ. Stoga je Komisija za nabavke Kolegiju Sekretarijata Parlamentarne skupštine BiH predložila da se postupak nabavke protivpožarnog sistema u server sobi Parlamentarne skupštine BiH okonča donošenjem Odluke o poništenju postupka nabavke, iz razloga člana 69. stav (2) tačka d) Zakona o javnim nabavkama, jer primljena ponuda nije prihvatljiva za Ugovorni organ. Kolegij Sekretarijata Parlamentarne skupštine Bosne i Hercegovine prihvatio je prijedlog Komisije za nabavke o poništenju postupka nabavke, te odlučio kao u dispozitivu ove odluke.

**Pravna pouka:**

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- DSC d.o.o. Sarajevo, Ante Fijamenga broj 14b, 71 000 Sarajevo i
- Institut za zaštitu, ekologiju i obrazovanje d.o.o. Tuzla, Bosne Srebrene broj 127, 75 000 Tuzla
- Sektoru za finansije
- a/a

**KOLEGIJ SEKRETARIJATA:**

**Kenan Vehabović** \_\_\_\_\_

**Bojan Ninković** \_\_\_\_\_

**Marin Vukoja** \_\_\_\_\_